



জাতীয় বিশ্ববিদ্যালয়

গাজীপুর

জাতীয় বিশ্ববিদ্যালয় অধিভুক্ত কলেজ/শিক্ষা প্রতিষ্ঠানসমূহের গভর্নিং বডি (সংশোধিত) সংবিধি ২০১৯-এর
ধারা ২৭, ২৮ ও ২৯ সংশোধন, পরিবর্তন ও সংযোজন সংক্রান্ত

প্রজ্ঞাপন

ধারা-২৭ : গভর্নিং বডির নির্বাচন পদ্ধতি :

গভর্নিং বডির মেয়াদ শেষ হইবার ৩ (তিন) মাস পূর্বে গভর্নিং বডির বিভিন্ন ক্যাটাগরি যেমন- শিক্ষক, অভিভাবক, প্রতিষ্ঠাতা, দাতা এবং হিতৈষী প্রতিনিধি নির্বাচনের নিমিত্তে গভর্নিং বডির সভায় ৩ (তিন) সদস্য বিশিষ্ট একটি নির্বাচন কমিশন গঠিত হইবে। উক্ত কমিশন হইবে নিম্নরূপ :

- জাতীয় বিশ্ববিদ্যালয় কর্তৃক মনোনীত গভর্নিং বডির বিদ্যোৎসাহী সদস্য;
- গভর্নিং বডি কর্তৃক মনোনীত এমন একজন শিক্ষক যিনি নির্বাচনে অংশগ্রহণ করিবেন না;
- অধ্যক্ষ যিনি রিটার্নিং অফিসার হিসেবে দায়িত্ব পালন করিবেন;

গভর্নিং বডির নির্বাচন সাধারণত: শিক্ষাবর্ষের প্রথমভাগে অনুষ্ঠিত হইবে। তবে শিক্ষক প্রতিনিধি নির্বাচনের পদ্ধতি হইবে নিম্নরূপ :

- নির্বাচন কমিশন কর্তৃক নির্ধারিত তারিখে গভর্নিং বডির শিক্ষক প্রতিনিধি নির্বাচন অনুষ্ঠিত হইবে।
- রিটার্নিং অফিসার নির্ধারিত তারিখের মধ্যে শিক্ষক প্রতিনিধি নির্বাচনের জন্য মনোনয়নপত্র আহ্বান করিবেন এবং নির্দিষ্ট তারিখের পরে আর কোন মনোনয়নপত্র গ্রহণ করা হইবে না বলিয়া শিক্ষকগণকে জানাইয়া দিবেন। যে কোন শিক্ষক ৩ (তিন) জন শিক্ষকের (অন্তত: একজন মহিলা শিক্ষকসহ) নাম মনোনয়নের জন্য প্রস্তাব বা সমর্থন করিতে পারিবেন। রিটার্নিং অফিসার মনোনয়নপত্র বাছাইয়ের পর প্রার্থীদের চূড়ান্ত তালিকা প্রস্তুত করিবেন এবং নাম ঘোষণা করিবেন।
- যদি প্রার্থীর সংখ্যা ৩ (তিন) এর অধিক না হয় তবে তাঁহারা নির্বাচিত হইয়াছেন বলিয়া নির্বাচন কমিশনের অনুমোদনক্রমে রিটার্নিং অফিসার ঘোষণা করিবেন।
- যদি প্রার্থীর সংখ্যা ৩ (তিন) জন-এর অধিক হয় তবে রিটার্নিং অফিসার একটি নির্দিষ্ট তারিখে নির্বাচন কমিশনের তত্ত্বাবধানে অনুষ্ঠিত তারিখে গোপন ব্যালটের মাধ্যমে শিক্ষক প্রতিনিধি নির্বাচনের ব্যবস্থা করিবেন।
- ভোট গ্রহণের কাজ সম্পন্ন হইবার সংগে সংগেই প্রার্থীগণ অথবা তাঁহাদের প্রতিনিধিগণের সম্মুখে ভোট গণনা করা হইবে। যে ৩ (তিন) জন প্রার্থী সর্বাধিক ভোট পাইবেন তাঁহারা নির্বাচিত বলিয়া নির্বাচন কমিশনের অনুমোদনক্রমে রিটার্নিং অফিসার কর্তৃক ঘোষিত হইবেন। যদি দুই বা ততোধিক প্রার্থী সমান সংখ্যক ভোট পান তবে লটারীর মাধ্যমে নির্বাচন সম্পন্ন হইবে। তবে শর্ত থাকে যে, শিক্ষকদের ভোটে নির্বাচিত ৩ (তিন) জন প্রতিনিধির মধ্যে কোন মহিলা শিক্ষক নির্বাচিত না হইলে সে ক্ষেত্রে পুরুষ শিক্ষকদের মধ্যে সর্বোচ্চ ভোট প্রাপ্ত ২ (দুই) জন এবং নির্বাচনে অংশগ্রহণকারী মহিলা শিক্ষকদের মধ্যে সর্বোচ্চ ভোট প্রাপ্ত একজন মহিলা শিক্ষক প্রতিনিধি হিসেবে গভর্নিং বডিতে অন্তর্ভুক্ত হইবেন।
- কোন শিক্ষক পর পর ২ (দুই) মেয়াদের বেশী শিক্ষক প্রতিনিধি হিসেবে থাকিতে পারিবেন না।

ধারা-২৮ : অভিভাবক প্রতিনিধি নির্বাচন :

- নির্বাচন কমিশনের সার্বিক তদারকিতে কমিশন কর্তৃক নির্ধারিত তারিখে ছাত্র/ছাত্রীদের অভিভাবকগণের প্রতিনিধি নির্বাচিত হইবে। এই নির্বাচনে অধ্যক্ষ রিটার্নিং অফিসার হিসেবে দায়িত্ব পালন করিবেন।
- নির্বাচনের ন্যূনপক্ষে ৩০ (ত্রিশ) দিন পূর্বে নির্বাচনের নির্দিষ্ট তারিখ ও স্থান কলেজের নোটিশ বোর্ডে বিজ্ঞাপিত হইবে এবং নির্বাচন সংক্রান্ত যাবতীয় তথ্য অভিভাবকগণকে অবহিত করিতে হইবে। বিজ্ঞপ্তি প্রকাশের তারিখে যে সকল ছাত্র/ছাত্রী কলেজের নিয়মিত (ভর্তিকৃত, পুনঃভর্তিকৃত এবং চূড়ান্ত পরীক্ষায় অবতীর্ণ হয়নি এমন) ছাত্র-ছাত্রী থাকিবে শুধুমাত্র তাহাদের বিধিসম্মত (বাবা-মা) অভিভাবকগণই নির্বাচনে অংশগ্রহণ করিতে পারিবেন। ঠিকানাসহ এইরূপ অভিভাবকগণের একটি তালিকা অধ্যক্ষ কর্তৃক প্রণয়ন করা হইবে যাহা অভিভাবকগণের 'ভোটার তালিকা' হিসাবে বিবেচিত হইবে। তবে পিতা মাতার অবর্তমানে মনোনীত বিধিসম্মত অভিভাবক, অভিভাবক প্রতিনিধি নির্বাচিত হইতে পারিবেন না।
- উপধারা (খ) মোতাবেক একজন অভিভাবক সর্বাধিক ৩ (তিন) জন অভিভাবকের নাম গভর্নিং বডিতে অভিভাবক প্রতিনিধি হিসাবে নির্বাচনের জন্য প্রস্তাব/সমর্থন করিতে পারিবেন। অভিভাবক প্রতিনিধি নির্বাচনে প্রস্তাবিত ব্যক্তির লিখিত সম্মতি ও ঠিকানাসহ মনোনয়ন পত্র ব্যক্তিগতভাবে অথবা রেজিস্ট্রি ডাকযোগে নির্বাচনের জন্য নির্ধারিত তারিখের ১৫ (পনের) দিন পূর্বে রিটার্নিং অফিসার-এর নিকট পৌঁছাইতে হইবে। রিটার্নিং অফিসার এইভাবে মনোনয়নপ্রাপ্ত প্রার্থীদের একটি তালিকা অভিভাবকগণের অবগতির জন্য নির্বাচনের ন্যূনপক্ষে ৭ (সাত) দিন পূর্বে কলেজ নোটিশ বোর্ডে প্রদর্শন করিবেন। একজন অভিভাবক ব্যক্তিগতভাবে অনুপস্থিত থাকিয়াও নির্বাচনে প্রতিদ্বন্দ্বিতা করিতে পারিবেন, তবে সেই ক্ষেত্রে তাঁহার লিখিত সম্মতিপত্র থাকিতে হইবে।

- (ঘ) যদি প্রার্থীদের সংখ্যা তিন অথবা তাহার কম হয়, তবে নির্বাচন কমিশনের অনুমোদনক্রমে রিটার্নিং অফিসার তাহাদিগকে নির্বাচিত বলিয়া ঘোষণা করিবেন।
- (ঙ) যদি সংখ্যা ৩ (তিন)-এর অধিক হয় তবে নির্বাচন সংক্রান্ত বিজ্ঞপ্তিতে উল্লিখিত তারিখ, সময় ও স্থানে গোপন ব্যালটের মাধ্যমে নির্বাচন অনুষ্ঠিত হইবে। একজন ভোটার সর্বাধিক ৩ (তিন) জনকে ভোট দান করিবেন। অধ্যক্ষ এই নির্বাচনে রিটার্নিং অফিসার হিসাবে দায়িত্ব পালন করিবেন। পরিশিষ্ট 'ক'-তে প্রদত্ত ছকের অনুরূপ ব্যালট পেপারে গোপন ভোট অনুষ্ঠিত হইবে। ভোট-এর জন্য নির্দিষ্ট তারিখ, স্থান ও সময়ে রিটার্নিং অফিসার কর্তৃক নিযুক্ত ৩ (তিন) জন ব্যক্তি ভোট সমাপ্ত হইবার পরে ভোট গণনা করিবেন।
- (চ) একজন ভোট দাতা ব্যালট পেপারে একজন প্রার্থীর নামের পার্শ্বে নির্দিষ্ট স্থানে একটি মাত্র ক্রস (X) চিহ্নের মাধ্যমে ভোট প্রদান করিবেন। কিন্তু কোন অবস্থায়ই একজন প্রার্থীর নামের পার্শ্বে একাধিক ক্রস (X) দেওয়া যাইবে না। কোন ভোট দাতা ইচ্ছা করিলে একাধিক প্রার্থীকে ভোটদান হইতে বিরত থাকিতে পারিবেন। কোন অভিভাবক ডাকযোগে বা প্রক্সির মাধ্যমে ভোট দিতে পারিবেন না।
- (ছ) প্রার্থীগণ অথবা তাহাদের মনোনীত ব্যক্তিদের সম্মুখে গণনাকারীগণ ভোট গণনা করিয়া নির্বাচনের ফলাফল রিটার্নিং অফিসারকে অবহিত করিবেন। সর্বাধিক ভোট প্রাপ্ত প্রথম তিনজন অভিভাবক নির্বাচিত বলিয়া রিটার্নিং অফিসার নির্বাচন কমিশনের অনুমোদনক্রমে ঘোষণা করিবেন। যদি দুই বা ততোধিক প্রার্থী সমান সংখ্যক ভোট পান তবে লটারীর মাধ্যমে নির্বাচন সম্পন্ন হইবে।
- (জ) নির্বাচন সংক্রান্ত সকল বিষয়ে কোন বিধির অভাবে নির্বাচন কমিশনের সিদ্ধান্তই চূড়ান্ত বলিয়া গণ্য হইবে মর্মে প্রতিস্থাপিত হইবে।
- (ঝ) মৃত্যু, ইস্তফা বা অন্য কোন কারণে গভর্ণিং বডির অভিভাবক প্রতিনিধি পদ শূন্য হইলে সংশ্লিষ্ট অভিভাবক প্রতিনিধি নির্বাচনের ফলাফল অনুযায়ী নিকটতম প্রতিদ্বন্দ্বিকে গভর্ণিং বডি কো-অপশনের মাধ্যমে শূন্য পদে অবশিষ্ট সময়ের জন্য মনোনয়ন করিতে পারিবে।

ধারা ২৯- গভর্ণিং বডির প্রতিষ্ঠাতা, দাতা ও হিতৈষী প্রতিনিধি নির্বাচন :

- (ক) নির্বাচন কমিশনের সার্বিক তদারকিতে কমিশন কর্তৃক নির্ধারিত তারিখে প্রতিষ্ঠাতা, দাতা ও হিতৈষীগণের প্রতিনিধি নির্বাচিত হইবেন।
- (খ) নির্বাচনের তারিখের ন্যূনপক্ষে ১৫ (পনের) দিন পূর্বে প্রতিষ্ঠাতা, দাতা ও হিতৈষী প্রতিনিধি নির্বাচনের জন্য নির্দিষ্ট তারিখ, সময় ও স্থান নির্ধারণ করিয়া রিটার্নিং অফিসার একটি বিজ্ঞপ্তি প্রকাশ করিবেন। এই বিজ্ঞপ্তি প্রকাশের পূর্বে তিনি প্রতিষ্ঠাতা, দাতা ও হিতৈষীগণের পৃথক পৃথক তালিকা প্রস্তুত করিবেন।
- (গ) নির্বাচনী সভায় উপস্থিত প্রতিষ্ঠাতা, দাতা এবং হিতৈষীগণের নিকট হইতে রিটার্নিং অফিসার মনোনয়নপত্র আহ্বান করিবেন। প্রতিষ্ঠাতা, দাতা এবং হিতৈষীগণের মধ্যে হইতে প্রত্যেক ক্যাটাগরীর জন্য প্রতিনিধির নাম সেই ক্যাটাগরীর সদস্যদের একজন প্রস্তাব ও একজন সমর্থন করিবেন।
- (ঘ) প্রত্যেক ক্যাটাগরী হইতে মনোনীত প্রার্থীগণের সংখ্যা একজন হইলে নির্বাচন কমিশনের অনুমোদনক্রমে রিটার্নিং অফিসার সকল প্রার্থীকে নির্বাচিত সদস্য বলিয়া ঘোষণা করিবেন।
- (ঙ) কোন ক্যাটাগরীতে প্রার্থী সংখ্যা একাধিক হইলে সেই ক্যাটাগরীর জন্য অধ্যক্ষ রিটার্নিং অফিসার হিসাবে গোপন ব্যালটের মাধ্যমে প্রতিনিধি নির্বাচন করিবেন।
- (চ) নির্বাচন পরিচালনার জন্য রিটার্নিং অফিসার এক টুকরা কাগজের কোণায় অনুস্বাক্ষর করিবেন এবং ঐ কাগজ প্রতিষ্ঠাতা, দাতা ও হিতৈষী ভোটারগণকে সরবরাহ করিবেন। প্রতিষ্ঠাতা, দাতা ও হিতৈষী ভোটারগণ উল্লিখিত কাগজে নিজ ক্যাটাগরীর একজন প্রার্থীকে ভোট দিবেন এবং ভোট প্রাপ্ত ব্যক্তির নাম লিখিয়া রিটার্নিং অফিসারের নিকট কাগজটি জমা দিবেন। সর্বাধিক ভোট প্রাপ্ত একজন প্রতিষ্ঠাতা, একজন দাতা ও একজন হিতৈষী নির্বাচিত বলিয়া নির্বাচন কমিশনের অনুমোদনক্রমে রিটার্নিং অফিসার ঘোষণা করিবেন।
- (ছ) মৃত্যু, ইস্তফা বা অন্য কোন কারণে গভর্ণিং বডির কোন নির্বাচিত সদস্যের এক বা একাধিক পদ শূন্য হইলে গভর্ণিং বডি কো-অপশনের মাধ্যমে শূন্য পদ বা পদসমূহে সদস্য মনোনয়ন করিতে পারিবে।

Shamsain

Shamsain